

Broj: 01-01.3-1084-9/26 JA
Datum: 03.06.2026. godine

Na osnovu člana 69. stav (3) Zakona o javnim nabavkama (Službeni list BiH, broj 39/14, 59/22 i 50/24, u daljem tekstu: Zakon), direktor Ugovornog organa JP Autoceste Federacije Bosne i Hercegovine d.o.o. Mostar donosi sljedeću:

ODLUKU o otkazivanju otvorenog postupka javne nabavke

I

Otvoreni postupak za javnu nabavku pružanja usluge: „**Nadzor nad izvođenjem radova za zamjenu rasvjetnih tijela – faza II**“:

1. LOT 1 – „Nadzor nad izvođenjem radova za zamjenu rasvjetnih tijela na lokacijama tunel Grab, tunel Vis, petlja Tačin, odmorište Lepenica“;
2. LOT 2 – „Nadzor nad izvođenjem radova za zamjenu rasvjetnih tijela na lokacijama tunel Gaj i petlja Butila“;
3. LOT 3 – „Nadzor nad izvođenjem radova za zamjenu rasvjetnih tijela na lokacijama tunel Vukov gaj, tunel Oštrik, ČNM Sarajevo sjever i petlje Podlugovi, Kakanj i Lašva“;

broj: 01-01.3-1084/26 JA za koji je na Portalu javnih nabavki objavljeno Obavještenje o nabavci broj: 266-1-2-29-3-190/26 od 04.05.2026. godine, otkazuje se u skladu sa članom 69. stav (3) Zakona, zbog dokazanih razloga koji su izvan kontrole Ugovornog organa i koji se nisu mogli predvidjeti u vrijeme pokretanja postupka javne nabavke.

II

U skladu sa članom 70. stav (6) Zakona Ugovorni organ će ovu Odluku objaviti na svojoj internet stranici www.jpautoceste.ba.

O b r a z l o ž e n j e

Ugovorni organ je u skladu sa članom 14. stav (4), 17. stav (6), 18. stav (1) i 19. stav (1) Zakona o javnim nabavkama pokrenuo otvoreni postupak javne nabavke za pružanje usluge: „**Nadzor nad izvođenjem radova za zamjenu rasvjetnih tijela – faza II**“, broj 01-01.3-1084/26 JA od 19.02.2026. godine.

Na Portalu javnih nabavki objavljeno je Obavještenje o nabavci broj 266-1-2-29-3-190/26 od 04.05.2026. godine.

Nakon pokretanja otvorenog postupka javne nabavke za izvođenje radova: „Zamjena rasvjetnih tijela s klasičnim žaruljama s rasvjetnim tijelima u LED tehnologiji – faza II“, nastupile su okolnosti zbog kojih je donesena Odluka o otkazivanju otvorenog postupka javne nabavke Broj: 01-01.3-11127-17/25 MB od 02.06.2026. godine.



Imajući u vidu da je predmet ovog postupka javne nabavke pružanje usluga: „**Nadzor nad izvođenjem radova za zamjenu rasvjetnih tijela – faza II**“ neposredno vezan za realizaciju predmetnih radova, te da utvrđeni nedostaci u projektnoj dokumentaciji predstavljaju suštinske izmjene tehničkih specifikacija, količina i elemenata koji direktno utiču na obim i sadržaj usluga nadzora, Ugovorni organ je odlučio otkazati predmetni postupak javne nabavke u skladu sa članom 69. stav (3) Zakona.

Budući da obim i sadržaj usluga nadzora zavise od konačno usaglašene projektne dokumentacije i količina radova, nastavak predmetnog postupka u postojećem obliku ne bi omogućio zakonito i pravilno provođenje postupka javne nabavke.

Navedeno postupanje je neophodno radi osiguranja transparentnosti postupka javne nabavke, jednakog tretmana i nediskriminacije svih potencijalnih ponuđača, te stvaranja uslova za pripremu potpunih, prihvatljivih i međusobno uporedivih ponuda, čime se osigurava zakonito, pravilno i efikasno provođenje postupka javne nabavke, pokretanjem novog postupka zasnovanog na tačnim tehničkim podacima i usklađenim količinskim specifikacijama.

Shodno navedenom, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba u roku od deset (10) dana od dana prijema ove Odluke. Žalba se izjavljuje Uredu za razmatranje žalbi putem ugovornog organa u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Direktor:

Denis Lasić



Dostaviti:

- Web stranica preduzeća
- a/a

